

# 《勝軍化世百瑜伽他經》CBETA 電子版

版本記錄: 1.1

完成日期: 2002/11/04

發行單位: 中華電子佛典協會 (CBETA) [cbeta@ccbs.ntu.edu.tw](mailto:cbeta@ccbs.ntu.edu.tw)

資料底本: 大正新脩大正藏經 Vol. 32, No. 1692

## No. 1692

### 勝軍化世百瑜伽他經

西天中印度惹爛馱羅國密林寺三藏明教大師賜紫沙門臣天息災奉 詔譯

過去仙人躡(切身)娑等 典籍章句無不說

我今自詠悅愚懷	略誦伽他為百喻
行恩行義行賢德	無我無慢無怯弱
真實慈悲可重師	堪作上人出離行
雖然貧下存剛志	設身富貴亦柔和
若遇強敵而勇力	此即名為大人相
少年行善人希有	人來求者歡喜與
若人稱讚我羞聞	彼等之人亦難得
欲求美稱先求法	法上精心德自生
一切戒行堅持密	彼人世間甚希有
天然性善言亦善	善人惡人各盡知
他或有過與藏蓋	此等智人世難得
火性暖兮本自熱	月性清涼亦復然
剎帝利族名稱上	彼等下族何得怪
親眷難危須救濟	他人有難亦復然
竭力為人情不二	此中活命名正命
布施忍辱及明力	調伏諸根語言善
此為聖者真莊嚴	金寶莊嚴如擔重
世間未曾有一物	不被無常破壞空
唯有無為寂靜德	經劫凝然得常住
善哉形色身端正	而具崇修德行光
譬如明月在當空	清淨光明照樓閣
富貴行檀一切人	識心成就無邊法
勇力救護劣弱者	善哉此德真良善
德者重德愍無德	愚者輕德而捨去
智如紅日放炎光	愚似星光而掩耀
賢人能護身諸過	一向修崇德行高

少若縱心犯一過  
惡人遠離於戒德  
如捨清涼功德池  
塗油身上要除垢  
譬如作事要成功  
惡人恒惡喻黑蛇  
善人怖畏心傷痛  
大火亘天難便滅  
審慧善觀危惡事  
落崖入火大危嶮  
若人墮入惡趣中  
大水洪波不可漂  
強惡群賊不可奪  
下劣之人恃有財  
中人見財略悅心  
一切種族形色德  
一一不知何所來  
富者妄言人為實  
諂誑順恃無真行  
有財豪貴而無德  
無財貧下德行全  
勇猛德行有如無  
離財安道處清貧  
屠兒富貴讚真實  
親眷朋友順世情  
眾知惡趣沈淪嶮  
乞者往來希濟給  
乞人不遂逆其情  
此人心硬語言慳  
此人慳鄙癡迷重  
藏貯財帛終散壞  
一人如是護多財  
受苦寧知虛妄慳  
不使不用不與人  
金銀積聚滿屋中

積修多德亦皆失  
常欲親近不善人  
而入稠濁不淨水  
除垢復須洗去油  
若得功成捨所作  
惡人迷逸如醉象  
惡人顛倒情忻悅  
深崖無底莫能知  
深行信善無疑謗  
或有身存復起行  
惡趣深泉不可出  
大火熾焰不可燒  
是彼世間最上財  
中品之人無所恃  
劣人恃財世最上  
同行親眷與朋友  
唯務貪愚好財利  
貧人實語却為非  
賢善之人聞愧恥  
喻如有德人稱讚  
愚者無知却謗毀  
是彼善人真覺觀  
親眷輕貧實作妄  
上人無財為下劣  
祇奉屠酷無善惡  
受罪中間苦百般  
全無輟惠固違情  
忿意含瞋嘆所恨  
捨利不如而捨命  
拯救行檀總不知  
若行惠施永堅牢  
愚迷轉厚無思慮  
多人護物苦平等  
殊無知此善好事  
坑盛不淨有何別

貧窮行施真檀度  
富貴微捨少財帛  
若人依法行不乏  
若施餘財行間續  
清淨心田事法王  
慈心柔軟如閨女  
禮參聖境行檀施  
軌則若虧無戒行  
今時名稱人知重  
福壽遠延恒快樂  
常聞極苦三塗獄  
壽盡浮生捨命時  
城隍聚落與林間  
假使知法不知法  
堅持禁戒令清淨  
如法熏修善業圓  
持戒法利獲安樂  
德命剎那即便滅  
彼或飲酒彰愚劣  
忽然倒地喻無常  
雖然親眷同歡飲  
如是過失剎那間  
得罪多因婬慾行  
一切欲情無善益  
若樂自妻求適悅  
於他妻妾妄追求  
血肉筋髓皮膚蓋  
自身妻子猶非分  
若人潔志無婬慾  
是故遠離於女人  
女人實可為適悅  
親眷共同生愛戀  
愚人一向增貪愛  
如向愛塵而樂住  
修行勿憚於勤苦

說彼名為最上人  
如河涓滴誰不解  
好施如同好女色  
感果虧盈亦如是  
少年戒德喻花香  
適悅莊嚴大行芳  
精進多聞受苦辛  
前修多善並捐功  
來世生天眾所欽  
皆從持戒得成功  
恒守威儀戒德圓  
焰魔惡趣我無怖  
或有愚迷或智慧  
若求善逝須持戒  
恒須親近善知識  
一切功德皆集聚  
若意愚迷有毀傷  
智者何緣而飲酒  
究竟為非無善名  
染污盈身成不淨  
醉了相違便害命  
說此酒毒勝毒藥  
直如捨命尚牽心  
何用癡迷募女人  
由常貪愛可合宜  
當感孤單心怖畏  
內外都來不淨身  
他人婦女豈合貪  
知此和合如幻夢  
而得心安離迷妄  
富貴嬌奢亦復然  
命當不久即無常  
智者思惟總是虛  
何時出離得菩提  
彼後還招安樂身

應是善言真利益  
一切事行多明了  
若是合行彼可行  
若人修作前程事  
決定後時無過咎  
若修善業令增長  
如有冤家煩惱病  
惡口兩舌心下劣  
豈知孔雀色嚴德  
呵責愚癡無正解  
我說有人行此行  
自在法音同歌樂  
汝等有情若棄背  
為利非利都不悟  
如是暝然無了別  
不分賢善與愚癡  
並無勝劣一般看  
不言自聖不愚癡  
難知理上有所知  
一心細意修真行  
我慢惡人興鬪諍  
愚癡心內懷顛倒  
以此豪強諸過失  
出家勝道無心重  
師教未曾申供養  
天邊圓月終須缺  
人世無常何異此  
女人本性終無實  
阿末羅菓有其核  
尊重法師參聖跡  
如是五種世間事  
若人知法恒行善  
喻如砂內揀真金  
愚劣同行不自由  
設復出家必暴惡

服行可喻妙良藥  
過失危亡盡可知  
善事云何有蓋覆  
先除邪亂正思惟  
自然安隱苦不生  
一心寂靜離浮囂  
自然除捨絕愚癡  
愚人縱意任情行  
可喻狼狗烏鵲噪  
讚揚精進戒施門  
集福安身而最上  
無心忻樂更何憑  
為是傍生為是人  
是實無實俱不知  
雖具人形同畜生  
豈辯野干異師子  
智者暫時勿共住  
不作兩舌不我慢  
說是婆羅門莊嚴  
過失恒時不受行  
如是色德我非有  
慈忍全無凶猛多  
執為自德勝他人  
善友全然不敬親  
唯親鬪諍大愚癡  
山下花芳不久凋  
須諍人我擬何為  
障礙人修善業因  
此是世間三種過  
心行知足懷悲智  
若言難作亦易作  
復能尋訪善朋友  
一切有情皆知重  
自然無德無知重  
縱然活命無善名

何以不信於朋友  
何以不行於方便  
慳人何處解布施  
不淨何處有馨香  
憎愛之人何有德  
快樂何人解知足  
姪女囂浮無厚信  
富貴暫榮誰得久  
婆羅門得食歡喜  
善人救護他歡喜  
愚迷愛樂行鬪諍  
賢人聞彼善言詞  
有德之人德是親  
賤使之人賤是苦  
何憚巡門持鉢化  
終不於身著我見  
底心無愛無人我  
住是富豪及尊貴  
棄捨妄緣諸快樂  
活命性同於鵝鴨  
王城聚落人居止  
悲羞清淨機嫌恥  
連山谿澗巖巒窟  
寂靜野林堪適悅  
居山不見他門戶  
住彼心中所得利  
我今教化汝等已  
一切法藏真安樂  
汝知善報一人身  
得後愚癡不作福  
水滴地上非久住  
三種無礙誰能作  
如是彼若隨其力  
喻如野鴿觀自身  
無常生死誰人愛

何以不知於天人  
何以自作於難學  
流砂何處而有水  
惡人何處有恩義  
冤家何處有善人  
壽命何人得久長  
癡人愚鈍無分別  
業因決定難破壞  
孔雀聞雷聲歡喜  
愚迷破壞時歡喜  
如貧得寶心歡喜  
如蜂聞彼花香氣  
有過之人過是冤  
知足之人足是樂  
豈辭力役在他方  
恒調心行善柔和  
似鹿無家住野林  
應無少事向他求  
都無繫礙自由閑  
長於清淨水中行  
八德多無一二存  
知法無我快樂力  
食菓皮衣伏五根  
何須聚落要求人  
自在無拘快樂行  
降伏根識命長生  
合掌調柔心意聽  
彼須忻樂一心求  
若要剎那不可得  
依前自賺自沈淪  
可喻人生命不堅  
若是智者方能行  
作意三種少分知  
孔雀莊嚴非勝我  
智慧何曾觀五根

此身雖住終無久  
如是焰魔人盡見  
老死無侵安樂處  
無常情物應皆定  
前路無憑光影速  
父母妻子朋友等  
正法親眷此堪依  
多求生得煩惱實  
破壞生得憂愁實  
彼若不修真如行  
智者恒觀此世間  
戲言伎唱皆無實  
損命不堅如幻夢  
但是為非所作罪  
世間何彼心愚暗  
所懷善惡心中事  
心若不能思惟此  
隨緣坐住受用具  
此假助緣行善利  
雖觀莊嚴宮殿等  
知足自然心喜樂  
須知世上有為財  
如是欲求他世福  
論義工商農種士  
應知此事合如然  
若能作善作不善  
並是自身業所造  
如是一切所作業  
生老病苦及無常

說彼虛生在世間  
眾生受苦幾人逃  
云何汝等不能行  
唯務貪生並不知  
緣何兀兀不思惟  
和合虛幻暫時間  
能去無常生死苦  
護身生得怖畏實  
智者若求有何利  
輪迴生死幾時休  
都成幻化愚癡力  
貪欲追求喻疥瘡  
何如佛法用身心  
並皆平等壞其身  
不解思惟罪惡生  
護世天人並總知  
何時意地消諸罪  
稍可身依得暫時  
其餘資具人煩惱  
唯便龕惡床臥具  
如觀醜女勝天女  
水火盜賊俱可奪  
莫求此等不堅財  
不依法則勿須行  
離福自然不成就  
應知非是別餘人  
由是眾生一切得  
若能後有不復生  
續續未委從何來

勝軍化世百喻伽他經